



Publicaziuns dalla vischnaunca, jamna 11

Damondas da baghegiar

Datum da publicaziun: ils 15 da mars 2013

Nr. 2012-1007.001

Il patrun: Recal AG Via Alpsu 49, 7180 Disentis/Muster

Il representant: Biro d'inschignier Iso Mazzetta Via Principala 125, 7166 Trun

Object: Cumpletar la reit da provediment dil scaldament lontan; viers ost, Via dalla Staziun, Via Lucmagn, Via Alpsu, Via Sogn Sigisbert, Via Sursilvana, Via Cavardiras, Via Davos-Muster, Via Sontget, Via Chischliun e Via dils Larischs, adattaziun dil project, 7180 Disentis/Muster

Datum da publicaziun: ils 15 da mars 2013

Nr. 2013-1007.000

Il patrun: Markus Rigoletth-Donau Gassa da Cuoz 31, 7186 Segnas

Il representant: Markus Rigoletth-Donau Gassa da Cuoz 31, 7186 Segnas

Object: Suschna per auto, sco baghetg annex tiel clavau sin parcella 1212 (1213), Gassa da Cuoz 31, 7186 Segnas

Datum da publicaziun: ils 15 da mars 2013

Nr. 2013-1011

Il patrun: Christiaan Eikens Bas Via Sursilvana 6 7180 Disentis/Muster

Il representant: Josef Lutz, Via Sogn Placi 4 7180 Disentis/Muster

Object: Baghetg annex per tancs dad ieli, parcella 925, Via Sursilvana 6, 7180 Disentis/Muster

Datum da publicaziun: ils 15 da mars 2013

Nr. 2013-1012

Il patrun: Thomas Durschei Via Latis 10, 7180 Disentis/Muster

Il representant: Thomas Durschei Via Latis 10, 7180 Disentis/Muster

Object: Remisa nova, parcella 208, Marias, 7186 Segnas

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damondas da baghegiar ein d'inoltrar a scret enteifer 20 dis alla instanza da baghegiar, caum postal 57, 7180 Disentis/ Muster. La protesta sto esser motivada e sut-tascretta dil recurrent ni da siu representant.

Disentis/Muster, ils 12-3-2013

Uffeci da baghegiar Disentis/Mustér

Cussegl da vischnaunca

Il cussegl da vischnaunca seraduna *venderdis, ils 15 da mars 2013 allas 20.15* en la Distec AG a Mustér ad ina seduta.

Program:

20.15 Rimnada avon la Distec AG

Beinvegni entras dir. Loris Marsura e silsunter investa dil menaschi industrial.

ca. 21.30 Seduta dil cussegl da vischnaunca tenor gliesta da tractandas.



Tractandas:

1. Protocol nr. 1-2013/2016
2. Cumissiun per la midada dalla constituziun communal: Elecziun d'in/a representant/a dil cussegl da vischnaunca
3. Ura da damondas (conform ad art. 44 dil regulativ da fatschentas)

Il president dil cussegl da vischnaunca

Administraziun communal

Sur S. Giusep ei l'administraziun communal *serrada* naven da *mardis, ils 19 da mars 2013 allas 9.00* entochen *mesjamna, ils 20 da mars 2012 allas 9.00*.

Administraziun communal Disentis/ Mustér

Dis dallas portas aviartas

Geniturs ed autras personas interessadas vid la scola han la pusseivladad da visitar lur affons durant l'instrucziun e quei sco suonda:

Mesjamna, ils 20 da mars 2013 (7.45–11.10)

Gievgia, ils 21 da mars 2013 (7.45–16.10)

Venderdis, ils 22 da mars 2013 (7.45–16.10)

Per evitar malruaus giavischein nus da visitar l'entira lecziun. Ils affons e las personas d'instrucziun selegran da Vossa viseta.

Valetaziun e promoziun dalla scola populara Mustér

El decuors dil schaner e fevrer 2013 ei la scola populara dalla vischnaunca da Muster vegnida vale-tada el rom dalla valetaziun e promoziun dalla scola entras igl inspectorat da scola e scoletta. La fi-namira ei stada da promover e garantir la qualitat ed il svilup da nossa scola. A caschun dall'occurrenza finala che ha giu liug ils 19-2-2013, ein ils resultats vegni presentai. La scola populara da Muster ha retschiert in bien giudicament. Sco novum ein era ils geniturs vegni integrai ella vale-taziun da nossa scola. Circa 70% da tuts geniturs han fatg part alla retscherca. El decuors dils pro-xims meins vegn la scola a comunicar ils resultats en ina fuorma adattada.

Per il bien resultat ein surtut era las personas d'instrucziun ensemen cun il meinascola responsabels. Ad els admittein in grond engraziament per tutta lavur prestada.

Cussegl da scola Mustér



Apparats d'udida

Gliendisdis, ils 25 da mars 2013 saveis Vus schar schubergiar e regular Vies apparat d'udida el Center da sanadad Sursassiala SA a Muster che sesanfla en claustra ed a Curaglia. A Muster ei il liug signalisau:

a Muster naven dallas 14.00 tochen ca. las 15.15
a Curaglia naven dallas 15.30 tochen ca. las 16.30

L'uniun Pro Audito Chur, cun Arthur Jacomet fa quei survetsch per tuts interessents gratuitamein.

Cordial invit *Center da sanadad Sursassiala SA*

Uniun da dunnas Mustér Mummas cun affons pigns Fiera da resti d'affons cun stiva da caffè

Nus prendein encunter bien, schuber ed entir resti da stad e d'unviern tochen grondezia 176, termagls, calzers, sezs d'autos e da meisa, crotschas, velos eav. Dunnas che drovan ina nova numera, ni han damondas san prender si contact cun Susanne Strupler, tel. 081 936 43 14.

Dar giu resti:

Venderdis, ils 22 da mars 2013 dallas 16.30–17.00.

Adatg: mintga grondezia da resti separau en ina tastga.

Vendita:

Venderdis, ils 22 da mars 2013 dallas 19.00–21.00.

Sonda, ils 23 da mars 2013 dallas 9.00–10.30.

Retuorn dil resti buca vendiu (minus 20%):

Il resti vegn returnaus e pagaus sonda, ils 23 da mars 2013 dallas 13.15–13.30. Per uorden che maunca sorprendin nus negina responsabladad.

Kinderkleiderbörse mit Kaffeestube

Wir nehmen gut erhaltene, saubere und ganze Sommer- sowie Winterkleider bis Grösse 176 entgegen sowie Spielsachen, Schuhe, Auto- und Tischsitze, Kinderwagen, Velos usw. Frauen, die eine Nummer brauchen oder Fragen haben, können mit Susanne Strupler, Telefon 081 936 43 14, Kontakt aufnehmen.

Annahme:

Freitag, 22. März 2013, von 16.30 bis 17.00 Uhr in der Turnhalle Cons, Disentis.

Achtung: Jede Kleidergrösse separat in eine Tasche.

Verkauf:

Freitag, 22. März 2013, von 19.00 bis 21.00 Uhr

Samstag, 23. März 2013, von 9.00 bis 10.30 Uhr in der Turnhalle Cons, Disentis

Auszahlung (abzüglich 20%) und Rückgabe:

Samstag, 23. März 2013, von 13.15 bis 13.30 Uhr. Für fehlende Sachen übernehmen wir keine Haftung.

Mummas cun affons pigns



Cuors da tiradurs giuvens e giuvenils 2013

Giuvnas e giuvens dallas annadas 1993 tochen 1996 e giuvenils dallas annadas 1997 tochen 1999 che havessen tschaffen ed anim da separticipar als cuors da giuvens tiradurs 2013 ed al cuors diils giuvenils 2013, che han liug pli u meins fin zercladur, han la caschun da s'annunziar tochen ils 20 da mars 2013 sut: 081 949 14 12 ni 079 645 64 81.

Il menader dil cuors: Norbert Vinzens

Radunonza generala diils possessurs da dretgs alp Cristallina

Sonda, ils 23 da mars 2013 allas 20.15 ell'ustria «Cresta», Segnas.

Tractandas:

1. Beinvegni
2. Elecziun d'in dumbravuschs
3. Rapport dil president
4. Prelecziun dil protocol ed approbaziun
5. Rendaquen 2012
6. Rapport diils revisurs ed approbaziun dil quen
7. Fixar il tscheins diils dretgs per 2013
8. Elecziuns:
 - a) president
 - b) cassier
 - c) dus revisurs da quen
9. Varia

Suenter radunonza vegn purschiu als presents ina tscheina.

A stedia participaziun envida *la suprastonza*

Societad da musica Mustér Exercezi public

Interess da sunar in instrument da stuors? Marveglias, co la musica exercitescha? Interess d'emprender d'enconuscher la differenza denter in bass ed in cornet?

En quei cass nudar grond e gries dumengia, ils 24 da mars ell'agenda: La Societad da musica Muster envida in e scadin (scolars e carschi) agl exercezi public en halla Cons. Nus sunein ed exercitein, nus mussein ils instruments e secapescha haveis Vus la pussevividad d'empruar ora ils instruments.

Cu e nua: dumengia, ils 24 da mars allas 13.00 en halla Cons.

Center sursilvan d'agricultura Ghirlandas e decoraziuns da primavera

Florista Cornelia Berther-Oberholzer dat in cuors da crear ghirlandas e decoraziuns da primavera.

Datum: mesjamna, ils 20 da mars 2013

Temps: 20.00–22.00

Liug: Center sursilvan d'agricultura Via Lucmagn 31, 7180 Disentis/Mustér

Annunzias ed informaziuns tier Cornelia Berther- Oberholzer, 7189 Rueras, tel. 081 949 13 74, e-mail: baseli.berther@kns.ch, www.agricultura.ch.



**Center sursilvan d'agricultura
Girlanden und Frühlingsdekorationen**

Floristin Cornelia Berther-Oberholzer führt den Kurs Girlanden und Frühlingsdekorationen durch.

Datum: Mittwoch, 20. März 2013
Zeit: 20.00–22.00 Uhr
Ort: Center sursilvan d'agricultura
Via Lucmagn 31, 7180 Disentis/Mustér

Anmeldungen und Informationen bei Cornelia Berther- Oberholzer, 7189 Rueras, Tel. 081 949 13 74,
E-Mail: baseli.berther@kns.ch, www.agricultura.ch.

**Forum cultural internaziunal Mustér
Antoinette Quinter raquenta praulas russas**

Dumengia, ils 17 da mars 2013 raquenta Antoinette Quinter praulas russas, organisau en cumbinaziun cun las Pastgas russas, offeriu dal Forum cultural internaziunal Mustér. Serimnada en halla Cons tier Antoinette.

*Forum cultural internaziunal Mustér e
Biblioteca populara Disentis/Mustér e contuorn*

Cuors da reiver per affons 2013 a Mustér/Lai Alv

Era uonn meina la colonna d'agid Mustér atras dus cuors da reiver per affon

1. jamna **8-7-13-7-2013**
2. jamna **15-7-20-7-2013**

Liug: territori dil Péz Ault, center ustria da cuolm a Lai Alv

Participonts: affons dallas annadas 1997–2003

Dunsena: pensiun cumpleina ell'ustria a Lai Alv (cumpriu els cuosts)

Intent: instrucziun da reiver el grep e sil glatsch, turas ellas muntognas

Material: calzers e vestgadira da cuolm, resti encunter la plievgia, sac da durmir (uorden da reiver personal, aschilunsch che avon maun)

Segirada: la segirada d'accident ei caussa privata

Sclariment Ignaz Deflorin-Spescha,

ed annunzia: Via Sursilvana 10, 7180 Disentis/Mustér tel. 081 947 46 96

Remarca: duess in u l'auter cuors esser surcargaus selubeschan ils responsabels dil cuors – suenter haver contactau il participont – da midar il datum annunziau. En tut san 70 affons prender part. Las annunzias ston vegnir fatgas en scret ed ils emprems 70 affons san prender part tenor l'entrada dallas annunzias.

Termin: termin d'annunzia entochen ils **10 da matg 2013**

Referenzas: fotos Lai Alv 2012: www.disentis.ch – romontsch/gallaria/activitads

Uniun da dunnas Medel

Yoga per umens e dunnas mira sut Medel/Lucmagn.